

寧都直隸州志卷二十八

廣德劉 丙

太平梁棲鸞

纂輯

祠廟志

寧都州

先農壇在西郊一里許雍正四年始奉文建祠知縣汪蓉
照建神祠三楹中安神位東為神倉西為神庫左右配房
各一楹四面圍牆南北八丈五尺東西十二丈嘉慶二十
四年知州鄭祖琛修每歲春秋奉 部頒日期致祭動支
銀六兩

寧都直隸州志

卷之二十八

祠廟志

一

社稷壇在先農壇前明洪武中知縣莊濟翁建

國朝

雍正十年知縣汪蓉照建築圍牆橫四丈五尺直六丈
七尺中甃石為壇方二丈五尺四面階級圍牆外左邊空
地長七丈橫四丈五尺右邊空地直七丈橫三丈五尺嘉
慶二十四年知州鄭祖琛修每歲奉 部頒日期致祭動
支銀八兩

山川風雲雷雨壇在西郊明洪武中知縣莊濟翁建

國朝

雍正十年知縣汪蓉照建築圍牆寬五丈長五丈五尺
中甃石為壇四圍餘地均立界石長十五丈五尺寬二十
一丈八尺壇旁神屋三楹中安神位兩旁為守壇者棲止

嘉慶二十四年知州鄭祖琛修春秋奉 部頒日期致祭
動支銀八兩

八蜡神附祀先農壇內雍正中奉文每歲臘月卜日致祭
邑厲壇北郊二里明洪武中知縣莊濟翁建舊惟掃地致
祭乾隆三年知縣鄭昌齡增建屋二楹旋頽今仍掃地致
祭動支銀十兩八錢

文昌廟在南城阜民門內古庠序地右正殿三楹配殿三
楹門樓一座明萬曆中知縣鮑際明建

國

朝雍正六年合州重建道光四年知州劉丙重修每歲春
秋奉 部頒日期致祭動支銀二十六兩 三代祠三楹

寧都直隸州志

卷之二十八

祠廟志

二

在廟左道光二年知州劉丙率州人建

關帝廟在阜民門內古庠序地右正殿三楹配殿三楹門
樓一座雍正六年重建道光三年署知州梁棧鸞率合州
重修每歲春秋奉 部頒日期致祭並五月十三日誕辰
共動支銀四十兩 三代祠三楹在廟右道光二年知州
劉丙率州人建 一在州治前州人黃原遜捐田六十三
石五斗爲香燈費 一在迎旭門內老學背乾隆二十四
年合坊重修

按吳盧志辛酉志文昌廟及城南關聖廟均附載學宮
後茲移入祠廟志

龍神廟南郊半里梅江書院右正廳三楹照廳三楹祀贛水神謝端公邑人蕭法崇建明萬曆中合邑重修改其額曰靈濟今稱龍王廟邑人唐旂記嘉慶十三年重修每歲春秋捐廉六兩四錢致祭

贛郡志載同知何天德記吳盧志載祀謝宗壽真人

城隍廟州治西明天順二年知縣白良輔因舊制修葺中為堂後為寢前為亭為堵墀為甬道東西廊為六曹官祠為二門二門內為戲亭為頭門頭門石坊曰城隍廟大理寺康莊記康熙四十九年合邑重修寢廟曾元得建嘉慶五年水頽損綢緞各舖重新道光二年知州劉丙倡合州紳耆重修堂左側舊為廚房改建官廳後寢左右添建房

寧都直隸州志

卷之二十八

祠廟志

各一六曹祠改建樓房曹官神像安設樓上廟左直牆外買地建設廚房一所昭忠祠在城隍廟內每歲春秋致祭動支銀二兩八錢八分三毫五絲

火神廟在參將署前

金精山祠在金精山自宋以前祀仙女張麗英徽宗時以祈雨有應賜號靈泉普應真人明洪武初改祭山神洞外雙石下春秋行祈報禮至今仍之歲支銀一兩六錢五分七釐

魏禧金精山記

節孝祠州衙背街舊天主堂雍正中知縣鄭昌齡奉文改

建乾隆中重修

王文成公祠初在小學明嘉靖十二年知縣陳大綸建邑人李國紀記後遷城南崇福寺左即今古庠序地穿巷內

按辛酉志未詳何時何人始建茲參贛郡志載

王公祠州城南穿巷內祀明邑令王天與與王文成公祠俱春秋仲月祭

徐公祠州城西祀明縣丞徐黼大司馬聶豹記

按辛酉志載在城南贛郡志載縣南熙熙臺今考祠實在城西以上三祠皆居民賃住小禮生收租

五賢祠州南郊一里延春谷祀宋孫長孺孫立節孫勰孫

寧都直隸州志

卷之二十八

祠廟志

四

勵孫登龍元吳草廬澄撰記趙子昂書碑祠久廢碑仆蔓草中今移置南門外直街孫氏祠

盧太常祠城隍廟右小學舊址祀明盧太常達崇禎十三年邑人以達盛德議立耑祀詳上官准行知縣葉向榮捐建令盧氏子孫世居主祀

東平王廟城南阜民門內祀唐張巡宋景定中封東平王廟初建南郊第一橋明正德中遷今址神像二其一祀許遠表雙忠也嘉慶十一年合州重修贛郡志載嘉靖戊子建

博濟廟俗名太公廟祀土神胡雄宋崇寧中賜額廟建河東潭富村進封博濟昭應王明洪武中知縣莊濟翁復改

是縣治東中神像左右部將丁權吳卞兩廡神曾孫曰吳
曰漸樓爲魁星閣邑人張非潛建乾隆元年廟燬二年合
邑重建

辛酉志曰舊廟記神生後梁龍德辛巳四月八日體貌
魁異隆準廣額顧日見耳言行淳篤邑人敬畏壽終八
十三每著靈異元至正壬辰僞漢熊天瑞率眾攻城至
螺石見城外兵多遂退使人覘實無兵乃進及交鋒熊
軍見白髮老人巡城飛砲射矢不敢偪或言胡太公陰
兵也熊怒毀潭富村廟熊去時兵死相望忽一部將狂
言曰我營蓋殿宇事亦未竟明初乃建廟今所夫人劉

平都直隸州志

卷之二十八

州祠廟志

五

氏贈慈祐順妃

按張非潛贛郡志作張元龍吳盧記載溫陵進士莊震
孫記今無考

軍山廟一東門外新背街一河東坊邑人邱維屋記或以
爲祀長沙王吳芮或以爲祀南豐曾子固子固自有軍山
廟記非子固明矣以爲吳芮亦無故實足據當以軍峯山
神爲定論北郊外遙望軍峯聳出霄漢其祀之也亦宜
東嶽廟南郊龍王廟右嘉慶二十四年合州重修
水府廟一東朝陽門內南折馬道前嘉慶五年水冲毀七
年移建太元觀前一北德義門內東折馬道前嘉慶五年

六冲毀十一年重建一拱辰橋右嘉慶九年建

藥王廟北門外真君巷曾宗相建嘉慶九年重修

神司廟州治儀門外左

華表廟州東大街石橋頭今為店房神像存

鹽山廟州治西靈山巷

辛酉志曰上三廟傳為祀賴氏祖文輝文華文獻州治

舊名雪竹坪係賴姓地基故設祠祀

魯班廟城東通濟門外嘉慶五年水冲毀八年重建二十

三年火燬道光三年重建

旗纛廟操場演武廳右乾隆四年參將黃天寅率合營重

寧都直隸州志

卷之二十八

祠廟志

六

建嘉慶十八年知州黃永綸移建演武廳左

楊公廟長庚門外濠西坊嘉慶十七年重修

按舊傳廟祀天水楊公則詳封爵志

三皇宮北鎮安門外安靜坊藥行建

三官殿北鎮安門外永凝坊乾隆七年孫殿賜修三十二

年合州重修道光二年羅亨接倡眾重修

七仙廟一州衙背街一城東迎旭門內一城西秋成門外

濠池側一登豐門外濠池前一城南阜民門內樂安巷獅

子石下一阜民門外迎恩街嘉慶十六年李莖祥捐北關

安靜坊店房一所為二廟香燈費一北鎮安門外安靜坊

嘉慶十一年建一迎仙坊嘉慶十六年建一拱星坊乾隆六十年建一濠西坊乾隆中建一長庚坊

漢高祖行祠一在登豐門外直街一在秋成門外濠池側舊在淨樂園左遺址存

按陽都不宜有漢帝廟城鄉所有廟祀宜改爲凌雲山神辨已見山川志然俗沿既久未便遽改姑存舊以俟後之正祀典者

字惠廟祀懷德鄉人嚴夏五代中仕爲都督歿屢顯靈異廟初建城西八十里稻田村一夕溪暴漲神像駕浪東下止三江渡口遂立廟河干廟址今在普渡橋關後復於拱

寧都直隸州志

卷之二十八

祠廟志

七

辰門內集仙觀左建行祠故俗呼行祠廟

西志曰舊記宋建炎二年邑令徐商霖以神致雨功聞賜額孚惠紹興三十一年大旱邑令曹粹中辟正堂舍神以祀禮成大雨浹日遂有年上其功封靈應侯嘉熙元年免子寮降渠朱嗣貴反吏民禱於廟夜半聞廟中鈺鼓兵甲聲視之光如電自廟棟出詰朝與賊戰賊見旌旗從空下陣亂遂敗轉運使吳淵上其功加封顯烈妻杜氏封靈順夫人廟初在稻田時有民入廟使酒不敬俄修蟒出神座右螯之廟數里有神墓居民侵之輒死

三聖廟北鎮安門外橫街道光二年合營重修

老郎廟州西城內過龍巷口

真君廟又名萬壽宮一舊建閣真君巷嘉慶五年水冲毀
九年移建拱辰橋水府廟右一三元殿右道光二年州人
羅亨接倡眾建

瑞金縣

先農壇縣北一里雍正四年邑人卽毓秀臺舊址建屋嘉
慶二十二年知縣蔣方增倡邑人移建臺前上仍建復毓
秀臺

社稷壇縣西半里明洪武三年知縣劉寅建隆慶五年知

寧都直隸州志

卷之二十八

祠廟志

八

縣呂若愚重建康熙二十年知縣徐友貞雍正十年知縣
徐希茂知縣馬士奇相繼重修

山川風雲雷雨壇縣南一里黃芝團明洪武三年知縣劉
寅建嘉靖二十一年知縣趙勳重建雍正十年知縣馬士
奇遷建縣南二里營房岡

按贛郡志載縣南二里并嘉靖丙辰壞於水知縣周鼎
建茲據縣志載

邑厲壇縣北一里明洪武三年知縣劉寅建

文昌廟舊在尊經閣乾隆十八年改敬一亭舊址爲魁星
閣上祀魁星中安神像下爲明倫堂二門

按縣志文昌廟附載學宮後茲移人祠廟志

關帝廟一縣南城門外乾隆十一年知縣滿岱倡合邑建後寢安神三代神位一雲龍橋北岸後為碑亭上為熬極樓

城隍廟縣治右宋代中建元至正中縣尹曾仕魯重建明洪武三十年主簿周仲賓永樂十三年知縣詹泰天順五年典史林生嘉靖十八年知縣王武相繼重修隆慶三年知縣呂若愚增建道房五間乾隆十八年知縣郭燦倡邑人重建嘉慶二十二年知縣蔣方增倡合邑重修卽神廟後棟厨房改建龍神殿厨房移建廟後

寧都直隸州志

卷之二十八

祠廟志

九

忠烈祠縣治右明隆慶五年知縣呂若愚為宋諫議大夫劉鵬北靖州知州劉舉夔父子建康熙五十六年鵬裔孫芳聖等建後寢以祀鵬祖父吳江張太史損持記

節孝祠縣治北龍頸街雍正二年建

王文成公祠舊建綿江書院右嘉靖四十一年知縣張書紳遷勝因寺右隆慶四年知縣呂若愚改遷入書院以前令王鈇配享萬曆三十年知縣堵奎臨增以呂若愚配享四十五年知縣潘舜歷捐俸重修

忠令祠縣治北龍頸街明正德十四年知縣鮑珉為前任元難知縣萬琛建名萬公祠嘉靖十九年知縣王鈇遷入

府館三十五年水圯隆慶三年知縣呂若愚重修顏曰忠
令祠康熙六十年知縣任湮重建仍曰萬公祠并增祀先
後陣亡者百餘人明嘉靖三十六年賊寇三壩義勇鍾華
鐸等凡十四人崇禎中流寇圍城諸生李開上武生李生
艷死難凡二人順治五年江賊圍城將軍李應進自汀州
統兵殺賊全城增入祠祀時義勇朱正榮等戰死凡一百
八人嘉慶九年知縣惲敬重修

按縣志載崇禎十八年流寇圍城考崇禎無十八年

訂正

去思祠縣江書院右明隆慶三年知縣呂若愚建祀明知

寧都直隸州志

卷之二十八

祠廟志

十

縣鄭禧王欽趙勳教諭胡汝器典史林生萬歷三十年知
縣堵奎臨進祀經歷王繼明知縣呂若愚訓導余濟仁四
十年知縣項元濂進祀訓導吳孟芳四十六年知縣潘舜
歷進祀署縣南昌同知鄧原玉知縣林德廣堵奎臨項元
濂訓導費朝宗夏霑崇禎十六年知縣熊慶文進祀教諭
曠世瑾康熙五年知縣孫剛進祀知縣郭懷琮三十三年
重建 呂若愚贛郡志作呂若愚誤

東平王廟縣城東北一里近東山寺

東嶽廟縣東城外背城面河右爲東勝禪院

按贛郡志載左爲東勝禪院茲從縣志載

水府廟縣西南一里竹岡

按贛郡志載康熙四十五年水圯四十六年重建

河神廟縣之浮鄉四里武陽圍

旗纛廟南門城內

平浪王廟雙清橋東岸又名楊泗將軍廟

七仙廟縣內署西明萬曆二十二年知縣石有聲建

靈山廟一名天符宮祀天符太子縣西門外大街西乾隆

二年衆姓重建

仙太廟祀痘神又名聖母宮一縣南高桂街口明萬曆中

合坊建閣一靈山廟右雍正三年衆重建一壬田寨圍下

寧都直隸州志

卷之二十八

祠廟志

十一

貞烈祠縣治西爲許宗慶妻劉氏建

英顯廟又稱侯王廟祀唐三馮侯一縣治北龍頸街元至

正中縣尹曾仕魯建一北城外大街雍正十三年邑人劉

芳孝等倡衆建一壬田寨

龔公廟縣南河背街

劉十六郎廟一智鄉瑞林寨一黃沙隘塘背乾隆十年衆

重修相傳廟卽十六郎舊宅

真武廟縣東北十里東華山有仙人足跡宛然石上又名

赤脚仙參贛郡志載

康趙廟縣之河背街

趙公廟一西門外大街向名趙公樓一名金輪閣乾隆十年遷建街北一雲龍橋南岸邑人楊文壽建

英佑侯廟雙清橋西岸地基劉逸仙捐

江東廟縣西城內康熙四十六年火四十八年重建

三仙廟縣之桃陽隘

真君閣縣南一里黃芝園明成化中邑人劉芳捐地建雍正三年重修樓閣乾隆四年前建亭左建翼屋五年閣後

建僧房嘉慶十一年火越五年邑人重建

按縣志載成化丁卯考成化中無丁卯歲

福至廟縣西南十五里小舟坊明天啓中邑人邱敬唐建

寧都直隸州志

卷之二十八

祠廟志

三

祀唐將軍馮氏兄弟康熙四十五年水衝毀乾隆七年重建

石城縣

先農壇縣南門外仙源坊雍正四年知縣朱允元建

社稷壇縣西門外一里昇平坊即舊儒學射圃舊址雍正

十年知縣朱允元建

山川風雲雷雨壇縣南河三里雍正十年知縣朱允元建

邑屬壇縣北二里風禽嶺明洪武三年建今壇廢掃地以

祭

按縣志未詳何時建茲據贛郡志增載

文昌廟縣南門內舊建今學宮左雍正十三年知縣楊志道遷建今廟

關帝廟一縣南門舊學址原建西門學宮地康熙二十六年署縣李德明倡建四十七年以廟基改造學宮易舊學宮基建廟一新坊村康熙中建一桐江村一大猷坪

城隍廟縣治北忠節坊明洪武五年縣丞于鐸重建成化

四年知縣羅瑄增建正殿三間兩廡各三間後寢一間嘉

靖二十三年典史鄭宗文修萬曆三十九年知縣吳正誼

修崇禎十三年知縣尚承業重修順治六年寇毀九年知

縣董應譽重建十五年知縣郭堯京修康熙三十年知縣

寧都直隸州志

卷之二十八

祠廟志

十三

萬丹詔倡建堂前參庭參庭左有知縣尚承業祠外為墀
墀右有井前為儀門康熙四十七年知縣陳嘉遷準提庵
佛像安廟後殿左旁為三官堂乾隆三十八年增建戲亭
參贛郡志載

忠烈祠東松行宮墀右康熙十五年建祀全城義勇畢佛

黃金璉溫赤尹良相游鼎

去思祠東嶽行宮左祀知縣郭堯京

按縣志載郭侯去思祠未詳其名今攷本朝石城知縣僅有郭堯京故特著之

此生祠縣之標峯塔下為知縣徐九行建

長春祠縣之標峯塔對河右爲知縣陳良諫建

博濟廟又稱胡太廟祀陽都州人胡雄舊廟建城外元季

寇燬明天順五年遷建縣西門內順治六年寇燬九年知

縣董應譽重建康熙中增祀蕭公趙公二神又名三公廟

雍正十二年邑人增建參亭

東嶽行宮縣治東進賢坊順治十年合邑重修

石城縣志曰肇建無考省志載明邑人熊懋官有重修

記後寇燬按縣志未詳復建何時

北斗祠一縣學前巷尾一縣治興隆街

七仙廟一縣內署一縣南城上一昇平坊馬路口城上一

寧都直隸州志

卷之二十八

祠廟志

十四

進賢坊李家樓前井口上一木井塘寨背

華光廟一縣治西倚城爲龕乾隆元年合坊建一城南三

十里新田上

白馬廟縣治西倚城爲龕乾隆三十六年合坊建

清源真君廟縣北門外忠節坊祀西川灌口清源妙道真

君神姓趙諱昱明天順八年甲申知縣羅瑄重建

元帝閣舊名鎮武行祠縣治興隆街關口順治十一年知

縣郭堯京重建有記改今名

后稷廟祀后稷舊稱配天廟元帝閣左

天符廟縣河南一里南唐保大中建元季寇燬明成化三

年知縣羅瑄重建

石城縣志曰舊傳明初有曹指揮領兵來鎮屯營廟址
數日一軍皆疫詢知徙軍別屯立愈

江東廟縣城西老人倉背神姓石名固秦時贛縣人歿而
為神宋元中屢加封號順治六年寇燬十三年邑人重建
乾隆三十八年邑人重修

將軍廟縣東八十里桃花磔宋紹定二年九月土寇張遇
龍破城通判趙彥覃督兵討平之鄉人為立廟祀

寧都直隸州志

卷之二十八

廟志
石城

十五